

неду илисиси?“ Филипок школачи ихэни. Уйкэ дадоани апомби ачохани, уйкэвэ нихэлихэни. Школаду тиас нучикэндюэн бичичи. Хэмтудиэри чаогихачи, сэгденди шарфаку учитель палан токомбани пулсихэни.

— Си хайва тайси?—учитель Филипокчи морапсинкини. Филипок-тани апомби дэнг-дэнг дяпачахани, хайва-да эчиэ ундэни.—Си уй тачи?—Филипок кол-кол бичини.—Си эбэси-ну, хай?—Филипок мангади нгэлэхэни, уми-дэ мутэчинини.—Хисангорива осиси осини, дёкчий энур. Филипок хисангойчахани, тотам-да мутэчинини, нгэлэхэни бими, билгани кота-кота холгохани. Нёани учительчи ичэдехэни, сонго-лохани. Чаду учитель нёамбани гудесилухэни, нёани наондёкан диливани пилкихани, тотара эй наондёкан уйвэни-дэ нучикэндюэнчи мэдэс-хэни.

— Эй—Филипок, Костюшка нэуни. Нёани балана школачи дийчэхэни, тотам-да энини чиндасини. Тотами нёани эси школачи дола чочахани.

— Гэ, мэнэ агби дякпадоани тэру, си шко-лачи пулсивэси си энинси чихалагоани, ми ундемби.

Учитель Филипокчи буквасалба ичэучини. Филипок тэй буквасалба сари бичини, холами нянга отоли бичин.